

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/23, 10.02.2020թ.

Բողոք բերող անձ՝ «Նաիրի Ինչուրանս» Ապահովագրական ՍՊԸ

Պատվիրատու՝ «Հայաստանի պետական տնտեսագիտական համալսարան» ՊՈԱԿ

Գնման ընթացակարգի ծածկագիրը՝ «ՀՊՏՀ-ԳՀԾՁԲ-20/ԲԱԾ-1» գնանշման հարցում

Գնման առարկան՝ Բժշկական ապահովագրության ծառայությունների ձեռքբերում

Բողոքի պահանջը՝

1. Դադարեցնել և/կամ չեղյալ հայտարարել թիվ ՀՊՏՀ-ԳՀԾՁԲ-20/ԲԱԾ-1 ծածկագրով գնանշման հարցման ընթացակարգի գնահատող հանձնաժողովի 06.01.2020թ. ժամը 10:30-ի նիստի թիվ 5 արձանագրությամբ 4.1. կետով կայացված «Նաիրի Ինչուրանս» ԱՍՊԸ-ի կողմից ներկայացված նոր գնային առաջարկը մերժելու վերաբերյալ որոշումը Հրավերի պահանջներին չհամապատասխանելու հիմքով:
2. Դադարեցնել և /կամ չեղյալ հայտարարել թիվ ՀՊՏՀ-ԳՀԾՁԲ-20/ԲԱԾ-1 ծածկագրով մրցույթի գնահատող հանձնաժողովի թիվ 5 արձանագրության 4.2. կետով կայացված «Ռոսգոսստրախ-Արմենիա» ԱՓԲԸ-ին ընտրված մասնակից ճանաչելու և Հրավերով սահմանված որակավորման չափանիշները հիմնավորող փաստաթղթերը ներկայացնելու վերաբերյալ որոշումը:

3. Թիվ ՀՊՏՀ-ԳՀԾՁԲ-20/ԲԱԾ-1 ծածկագրով մրցույթի գնահատող հանձնաժողովին որպես իրավական հետևանք արգելել գնման ընթացակարգի մասով «Ռոսգոսստրախ-Արմենիա» ԱՓԲԸ-ի հետ կնքել պայմանագիր:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ.ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



Ն/SU-39/2-0830

10.02.2020թ.

**ՀՀ Ֆինանսների նախարարության
Բողոքներ քննող անձին
Հասցե՝ ք. Երևան, Մելիք-Աղամյան 1**

**Բողոքաբեր՝ «Նաիրի Ինշուրանս» Ապահովագրական ՍՊԸ
ՀՀ ԿԲ գրանցման վկայական թիվ 8, ՀՎՀՀ 00031904
Իրավաբանական /փոստային/ հասցե՝ ՀՀ, ք. Երևան, Ա. Ավետիսյան 116/1 և 116/5**

Բողոք

«Նաիրի Ինշուրանս» Ապահովագրական ՍՊԸ-ն /այսուհետ՝ Ընկերություն/ ուսումնասիրելով՝ «Հայաստանի պետական տնտեսագիտական համալսարան» ՊՈԱԿ-ի կարիքների համար «Բժշկական ապահովագրության ծառայություններ» ձեռքբերման նպատակով հայտարարված թիվ ՀՊՏԸ-ԳՀԾՁԲ-20/ՔԱԾ-1 ծածկագրերով գնանշման հարցման հրավերով /այսուհետ՝ Հրավեր/ գնահատող հանձնաժողովի 06.02.2020թ. նիստի թիվ 5 արձանագրությունը /այսուհետ՝ Արձանագրություն/ գտնում է, որ այն կայացվել է «Գնումների մասին» ՀՀ օրենքի /այսուհետ՝ Օրենք/, Հրավեր մի շարք դրույթների խախտմամբ, որն էլ հանգեցրել է Ընկերության իրավունքների և օրինական շահերի ոտնահարմանը, մասնավորապես.

1. Բողոքարկվող գնման ընթացակարգի ծածկագրերը և առարկան.

Ծածկագիր՝ թիվ ՀՊՏԸ-ԳՀԾՁԲ-20/ՔԱԾ-1

Գնման Առարկա՝ «Հայաստանի պետական տնտեսագիտական համալսարան» ՊՈԱԿ-ի կարիքների համար «Բժշկական ապահովագրության ծառայություններ» ձեռքբերում

Պատվիրատուի անվանում՝ «Հայաստանի պետական տնտեսագիտական համալսարան» ՊՈԱԿ

Պատվիրատուի հասցե՝ ՀՀ, Բ. Երևան 0025, Նալբանդյան 128

2. Վեճի առարկան, բողոքի փաստացի և իրավական հիմքերն ու բողոքաբերի պահանջը.

Հասցե՝ ԳՅ. 0033, ք. Երևան, Ավետ Ավետիսյան 116/1 և 116/5:
Հեռ.՝ (+374 60) 50 00 60
Ֆաքս՝ (+374 10) 54 35 94
Էլ. փոստ՝ nairi@nairi-insurance.am
Կայք՝ www.nairi-insurance.am



Հրավերի առաջին մասի 5.2. կետի համաձայն՝ Մասնակիցը գնային առաջարկը ներկայացնում է ինքնարժեք, շահույթ և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Ինքնարժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում:

Օրենքի 28 հոդվածի 1-ին մասի 10-րդ կետի համաձայն.

Հոդված 28. Հրավերի բովանդակությունը

1. Հրավերը պետք է պարունակի՝

1) հղում հրապարակված հայտարարությանը՝ ի լրումն որի տրամադրվում է հրավերը.

2) մրցույթի ծածկագիրը.

3) հայտերի պատրաստման հրահանգները.

4) որակավորման չափանիշները, մասնակցության իրավունքի պահանջները և դրանց գնահատման կարգը.

5) գնման առարկայի բնութագրերը.

6) հայտերի գնահատման և ընտրված մասնակցի ընտրության կարգը.

7) պայմանագրի նախագիծը.

8) եթե գնումն իրականացվում է չափաբաժիններով, և մասնակիցներին թույլատրվում է հայտեր ներկայացնել գնվող ապրանքների, աշխատանքների և ծառայությունների միայն մի մասի համար, ապա դրա պայմանները և կարգը.

9) հայտով ներկայացվող գնի հաշվարկման կարգը, ներառյալ՝ զինը արտարժույթով ներկայացվելու դեպքում դրա փոխարժեքը.

10) նշում այն մասին, որ առաջարկվող զինը, ապրանքների, աշխատանքների և ծառայությունների արժեքից բացի, ներառում է փոխադրման, ապահովագրման, տուրքերի, հարկերի, այլ վճարումների գծով ծախսերը և չի կարող պակաս լինել դրանց ինքնարժեքից: Առաջարկվող գնի հաշվարկը պետք է ներկայացվի հայտով.

Հրավերի Մաս 1, 5-րդ կետի 5.1. և 5.2. ենթակետերի համաձայն.

<<5.1 Առաջարկվող զինը ծառայության արժեքից բացի ներառում է փոխադրման, ապահովագրման, տուրքերի, հարկերի, այլ վճարումների գծով ծախսերը և չի կարող պակաս լինել դրանց ինքնարժեքից: Առաջարկվող գնի հաշվարկը պետք է ներկայացվի հայտով:

5.2 Մասնակիցը գնային առաջարկը ներկայացնում է ինքնարժեք, շահույթ և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Ինքնարժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում:»:

Հրավերի 8.8 կետի համաձայն՝ Եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Հրավերի 8.9 կետի համաձայն՝ Եթե սույն հրավերի 8.8-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա վերջինիս հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Սույն հոդվածի 2-րդ մասի 1-ին կետի համաձայն՝ Առաջին տեղը զբաղեցրած մասնակիցը որոշվում է բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով:

Այսպիսով, Արձանագրություն համաձայն Հանձնաժողովը արձանագրել է, որ Ընկերության կողմից ներկայացված նոր գնային առաջարկը համամատած 24.12.2019-ին ներկայացված առաջարկի հետ նվազեցում է պարունակում <<Ինքնարժեք>> բաղադրիչից, ուստի և Արձանագրության 4.1. կետով որոշել է մերժել Ընկերության կողմից ներկայացված նոր գնային առաջարկը:

Ընկերության կարծիքով Հանձնաժողովի վերոնշյալ որոշումն իրավաչափ չէ, քանի որ նոր գնային առաջարկով Ընկերությունը չի կատարել նվազեցում <<Ինքնարժեք>> բաղադրիչից, հետևյալ հիմնավորմամբ.

24.12.2019թ-ին ներկայացված գնային առաջարկով Ընկերության կողմից ներկայացվել է Ինքնարժեք բաղադրիչ 38.400.000 ՀՀ դրամ, որը հաշվարկված է Հրավերով սահմանված գնման ողջ ժամանակահատվածում ապահովագրական ծառայությունների մատուցման համար, այն է՝ դրանում ներառված են գնման սկզբնաժամկետից՝ 01.01.2020թ-ից մինչև Հրավերով սահմանված գնման վերջնաժամկետը՝ 31.12.2020թ-ը /Հիմք՝ Հրավերով սահմանված Տեխնիկական բնութագիր-գնման-վճարման ժամանակացույց փաստաթղթի Ծառայությունների մատուցման ժամկետ դրույթը/:

Ապահովագրության ցանկացած դասով ապահովագրավճարի/ծառայության արժեքի հաշվարկման համար ամենակարևոր գործակիցներից է համարվում ծառայության մատուցման ժամկետը, որը հաշվի առնելով և ապահովագրողի կողմից առաջարկվում և սահմանվում է ապահովագրավճարի չափը:

Տվյալ պարագայում Ընկերության կողմից մինչև բանակցությունները ներկայացված գնային առաջարկը կատարված է 12 ամիսների համար, այն է 38.400.000/12 և հենց տվյալ հանգամանքի հաշվի առնմամբ էլ Ընկերությունը բանակցությունների ժամանակ առկա հնարավոր ապահովագրության ծառայությունները դիտարկել և հաշվարկել է գնման մնացած ժամանակի գործակցի հաշվի առնմամբ, որը տվյալ պարագայում դիտարկվել է որ հավասարաչափ գործակցով և գնման մնացած 10,5 ամիսների համար առաջարկել է

36,000,000 ՀՀ դրամ գումար, որը նվազ չէ Ընկերության կողմից հաշվարկման ինքնարժեքից, տվյալ պարագայում ինքնարժեք կարող է դիտարկել ամսական արժեք համադրած գնման հնարավոր ժամկետ, այն է՝ $3.200.000 \cdot 10,5 = 33.600.000$ ՀՀ դրամ գումար:

Նշվածի հիմանվորման օրինակ կարող է ծառայել օրինակ պարտադիր ապահովագրության դասով ԱՊՊԱ պայմանագրի ապահովագրավճարի օրենսդրական սահմանման տրամաբանությունը, որտեղ ամսական ապահովագրավճարի հաշվարկն իրականացվում է ժամկետի համար օրենքով սահմանված ոչ հավասարաչափ գործակցով:

Տվյալ պարագայում գնահատող հանձնաժողովը ներկայացված գնային առաջարկների թերի ուսումնասիրության արդյունքում հանգել է այն հետևության, որ Ընկերության կողմից ներկայացված նոր գնային առաջարկով Ընկերությունը կատարել է նվազեցում «Ինքնարժեք» բաղադրիչից, որով Հանձնաժողովը փաստացի կայացրել է ոչ իրավաչափ որոշում և խախտել է սույն բողոքում թվարկված իրավական նորմերի պահանջները, որն ամիջականորեն հանգեցրել է Ընկերության օրինական շահերի և իրավունքների խախտմանը:

Օրենքի 46-րդ հոդվածի 1-ին մասի համաձայն՝ յուրաքանչյուր անձ իրավունք ունի բողոքարկելու պատվիրատուի, գնահատող հանձնաժողովի և գնումների հետ կապված բողոքներ քննող անձի գործողությունները (անգործությունը) և որոշումները:

Սույն հոդվածի 3-րդ մասի համաձայն՝ յուրաքանչյուր անձ իրավունք ունի սույն օրենքի համաձայն նախքան պայմանագրի կնքումը բողոքարկելու պատվիրատուի և գնահատող հանձնաժողովի գործողությունները (անգործությունը) և որոշումները գնումների հետ կապված բողոքներ քննող անձին:

Օրենքի 50-րդ հոդվածի 7-րդ մասի 1-ին կետի համաձայն՝ Գնումների հետ կապված բողոքներ քննող անձն իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ,

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ՝ պայմանագիրն անվավեր ճանաչելու մասին որոշման:

Սույն հոդվածի 9-րդ մասի համաձայն՝ բողոքի քննությունը բաց է հանրության համար, բացառությամբ պետական գաղտնիք պարունակող գնումների: Բողոքն ստանալու օրվանից հաշված՝ մեկ աշխատանքային օրվա ընթացքում, այդ մասին գնումների հետ կապված բողոքներ քննող անձը հայտարարություն է հրապարակում տեղեկագրում՝ նշելով հրապարակման ամսաթիվը:

Օրենքի 51-րդ հոդվածի 1-ին մասի համաձայն՝ Գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ

մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը:


Այսպիսով, ղեկավարվելով վերոթվարկյալ իրավական հիմնավորումներով, խնդրում ենք.

1. Դադարեցնել և/կամ չեղյալ հայտարարել թիվ ՀՊՏՀ-ԳՀԾՁԲ-20/ՔԱԾ-1 ծածկագրով գնանշման հարցման ընթացակարգի գնահատող հանձնաժողովի 06.01.2020թ. ժամը 10:30-ի նիստի թիվ 5 արձանագրությամբ 4.1. կետով կայացված «Նաիրի Ինշուրանս» ԱՍՊԸ-ի կողմից ներկայացված նոր գնային առաջարկը մերժելու վերաբերյալ որոշումը՝ Հրավերի պահանջներին չհամապատասխանելու հիմքով:
2. Դադարեցնել և/կամ չեղյալ հայտարարել թիվ ՀՊՏՀ-ԳՀԾՁԲ-20/ՔԱԾ-1 ծածկագրով մրցույթի գնահատող հանձնաժողովի թիվ 5 արձանագրության 4.2. կետով կայացված՝ «Ռոսգոսստրախ-Արմենիա» ԱՓԲԸ-ին ընտրված մասնակից ճանաչելու և Հրավերով սահմանված որակավորման չափանիշները հիմնավորող փաստաթղթերը ներկայացնելու վերաբերյալ որոշումը:
3. Թիվ ՀՊՏՀ-ԳՀԾՁԲ-20/ՔԱԾ-1 ծածկագրով մրցույթի գնահատող հանձնաժողովին որպես իրավական հետևանք արգելել գնման ընթացակարգի մասով «Ռոսգոսստրախ-Արմենիա» ԱՓԲԸ-ի հետ կնքել պայմանագիր:

Կից ներկայացնու ենք՝

1. «Նաիրի Ինշուրանս» ԱՍՊԸ-ի Խորհրդի որոշումից քաղվածքի և Ընկերության գործադիր տնօրենի ժ/պ Մ. Մարտիրոսյանի անձնագրի պատճենը,
2. «Նաիրի Ինշուրանս» ԱՍՊԸ-ի ՀՀ ԿԲ գրանցման թիվ 8 վկայականի պատճենը,
3. Թիվ 5 Արձանագրության պատճենը,
4. Պետական տուրքի վճարման անդորրագրի բնօրինակը:

Գործադիր տնօրենի ժ/պ՝



Մանե Մարտիրոսյան